

Udruženje građana “Nešto Više“

Godišnji izvještaj za 2012. godinu

Februar 2013

Sadržaj:

1. UVOD.....	1
2. PLAN I REALIZACIJA PLANA ZA 2012	2
3. REALIZOVANI PROJEKTI	5
4. FINANSIJSKI POKAZATELJI	24

1. UVOD

Udruženje je u 2012-oj godini kroz implementaciju 14 projekata realizovalo proračun u visini od 753.728 konvertibilnih maraka. Ovaj iznos ne predstavlja ukupnu vrijednost projekata Udruženja jer su pojedini projekti realizovani u saradnji sa partnerima i kroz proračune partnerskih organizacija bile su finansirane zajedničke aktivnosti. Projektne aktivnosti koje su se dešavale na dvadesetak lokacija u Bosni i Hercegovini, bile su namijenjene za 20.000 stanovnika Bosne i Hercegovine. Osoblje Udruženja radi i živi u četiri grada Bosne i Hercegovine: Sarajevo, Banja Luka, Mostar i Istočno Sarajevo.

U 2012-oj godini Udruženje je apliciralo sa tridesetak projekata i dobilo sredstva od pet novih donatorskih programa. Aktivnosti i projekti Udruženja bili su podržani od: The Whalen Family Foundation Oakland USA, Evropska Unija, USAID, MDG-F Program Očuvanje okoliša i klimatske promjene – španski Fond za dostizanje milenijumskih razvojnih ciljeva – koji sprovode UNDP, UNV, UNEP, FAO i UNESCO, Ambasada Kraljevine Norveške u BiH, Ambasada Sjedinjenih Američkih Država u BiH, Ambasada Kraljevine Holandije MATRA, Vlada SAD, Opština Berkovići, Opština Cazin i Opština Ljubinje

O UDRUŽENJU

Udruženje građana “Nešto Više” je nevladina organizacija osnovana 1997. godine od strane grupe mladih ljudi iskusnih u radu sa organizacijama iz sektora civilnog društva u Bosni i Hercegovini (BiH). Izdavanjem rješenja RU-88/03 od strane Ministarstva pravde Bosne i Hercegovine, Udruženje stiče status organizacije registrovane na državnom nivou. Naši programi i projekti su realizovani u preko 60 gradova u Bosni i Hercegovini.

Vizija:

Bosansko-hercegovačko društvo koje je moralno odgovorno i tolerantno, podstiče kompetentnost, sigurnost i zajedništvo kroz uzajamnu brigu pojedinca i zajednice

Misija:

“Nešto Više” potiče pozitivne promjene u društvu pružanjem šanse pojedincima i grupama da se kroz formalno i neformalno obrazovanje, umrežavanje, rad, zajednička iskustva i pomoć drugima izgrade u kompetentne i odgovorne lidere koji vjerujući u sebe i druge gaje otvorenost i pripadnost svom društvu.

2. PLAN I REALIZACIJA PLANA ZA 2012

Planom za 2012 obuhvaćene su bile četiri oblasti i bili su postavljeni sljedeći ciljevi

1. Jačanje kapaciteta Udruženja
2. Održavanje i unapređenje saradnje sa The Whalen Family Fondation (WFF)
3. Implementacija promotivne strategije
4. Razvoj projekata koji ostvaruju prihode

1. Jačanje kapaciteta Udruženja

- 1.1. Otvoriti kancelariju u Banja Luci: Kancelarija u Banja Luci bi trebal biti otvorena iz razloga što Udruženje ima osoblje u Banja Luci i zato što Udruženje sprovodi svoje aktivnosti na teritoriji cijele BiH, pa je postojanje operativne kancelarije u RS neophodno. Troškovi za ovu kancelariju su već programirani u projektima za koje čekamo odgovor. Nije bilo odobren dovoljno projekta koje bi omogućili da se otvori kancelarija u Banja Luci
- 1.2. Svaki član osoblja je dužan da prisustvuje na najmanje tri treninga iz oblasti koje se odnose na njen/njegov rad. **Savki član osoblja je u prosjeku prisustvoavao na četiri treninga, radionice.**
- 1.3. Zaposliti najviše **dvije osobe**. Ovo podrazumjeva zapošljavanje jedne nove osobe u banjalučkoj kancelariji i druge po potrebi, ukoliko se projekti sa kojima smo aplicirali svi odobre. Novčana sredstva bi bila obezbjeđene iz projekata koji su u razmatranju. Nije bilo odobreno dovoljno projekata
- 1.4. Izgradnja i jačanje partnerstva sa lokalnim i internacionalnim organizacijama (aplicirati sa najmanje 30 projekata) **Aplicirano sa 33 projekta, koncept note, individualno ili u partnerstvu**

2. Održavanje i unapređenje saradnje sa WFF

- 2.1. Implementacija tekućih projekata do 30.09.2012. **Završen Peacetrails Program Stipendiranja**
- 2.2. Definisanje budućih odnosa, produžiti ugovor. **Nastavljene određene aktivnosti**

3. Implementacija promotivne strategije

- 3.1. Kontinuirano provođenje promotivne strategije **Kontinuirana promocija Udruženja kroz projekte koji se realizuju**

4. Razvoj projekata koji ostvaruju prihode

- 4.1. Razviti jedan projekat u okviru srodnih djelatnosti¹ (treninzi, izrada strateških dokumenta i sl.) **Razvijenn projekat razvoja sveobuhvatnih stertegija razvoja i aplicirano UNDP-ju**

¹ Srodne djelatnosti su one dohodovne djelatnosti koje su u skladu sa statutarnim ciljevima.

4.2. Razviti jedan projekat u okviru nesrodnih djelatnosti (poljoprivredna proizvodnja) **Dorađen projekat uzgoja krompir u Popovom polju**

ZAKLJUČAK:

U Strateškom planu je bio jasno postavljen cilj da se u roku od tri godine, 2010-2012. zaposle dvije nove osobe, što je u potpunosti ispunjeno. U 2010. i 2011. je zaposleno osam novih osoba ali u istom periodu dvije osobe su otišle iz Udruženja. Pored toga otvorena je nova kancelarija Udruženja, u Mostaru. Ovaj rast je direktno bio povezan sa projektima koje je Udruženje dobilo od više donatora.

Jedan od osnovnih preduslova za održivost Udruženja je kontinuirani rast Udruženja. Ovaj rast podrazumijeva da Udruženje mora da i dalje proširuje svoje kapacitete, ljudske i materijalne. Menadžment Udruženja je postigao ciljeve definisane u Strateškom planu, odnosno, postignut je željeni rast, zaposleno je više od dvije osobe i otvorena je nova kancelarija Udruženja. Strateški plan obuhvata period od tri godine, 2010-2012, tako da će u posljednjoj godini implementacije ovog plana težište biti na stabilizaciji postojećeg rasta i održavanje postignutog obima posla. Ovo podrazumijeva da će menadžment Udruženja u 2012-oj biti orijentisan na razvoj postojećih kapaciteta, kroz obaveznu edukaciju svih članova osoblja.

U dosadašnjoj saradnji projekti koje je podržavao WFF bili su većinski vezani sa PT zajednicu². Ova saradnja se u 2011-oj manifestovala kroz finansijsku podršku PT povratnicima iz SAD i PT Program stipendiranja. Pored programa koji su bili namjenjeni PT diplomcima, WFF je podržala razvoj saradnje Udruženja sa CSBSJU³, stažiranje američkih studenta u Bosni i Hercegovini, koje traje već četiri godine, i razvoj kratkog akademskog programa koji bi se trebao realizovati prvi put u maju 2012. Procjena menadžmenta Udruženja je da će u 2012-oj svi postojeći programi koji se odnose na PT diplomce biti završeni.

Od četiri predviđene strategije najslabiji rezultati su postignuti u okviru strategije 1. gdje je bilo planirano da se aplicira sa četiri projekta prekogranične saradnje a apliciralo se samo sa jednim. Lekcija koja je naučena jeste da se za sve pozive, a posebno prekogranične saradnje, treba pripremati puno ranije nego što se donatorski pozivi objave. U skladu sa time osoblje Udruženja je već počelo da razvija saradnju sa lokalnim zajednicama, opštinama, u Bosni i Hercegovini. Rezultati ove saradnje bi trebali biti projekti koji će odgovarati na potrebe zajednice i ciljeva Udruženja.

² PT zajednica: diplomci PeaceTrails Youth Leadership Adventure Program, PTYLA P(1999-2003)

³ CSBSJU, College of Saint Benedict/ Saint John's University, Minnesota, USA

3. REALIZOVANI PROJEKTI

Naziv projekta: Izgradnja kapaciteta adaptacije na sušu u agro-biznisu

Sektor: Poljoprivreda i ruralni razvoj

Usklađenost sa strateškim ciljem: 1. Izgradnja i jačanje partnerstva sa lokalnim i internacionalnim organizacijama 1.2. Kontinuirano pratiti pozive donatora i u skladu sa definisanim pravcima (organizaciona shema Udruženja, pet pravaca) aplicirati za svaki segment sa minimalno tri projekta, samostalno ili u partnerstvu **ukupno 15 projekata**

Lokacija projekta: Sjevero-istočna BiH

Datumi: od 23. 9. 2010.do 22. 3. 2012.

Donator: USAID

Ukupna vrijednost projekta (BAM): 522 750

Finansiranje od strane donatora (BAM): 467 822

Ostali izvori finansiranja (BAM): 54 868 (sufinansiranje poljoprivrednika, korisnika sistema za navodnjavanje)

Partneri na projektu: Centar za razvoj i podršku (CRP) Tuzla

Ciljevi i rezultati projekta:

Generalni cilj: Ojačati kapacitete poljoprivrednog sektora u BiH u adaptaciji na sušu, kao posljedicu klimatskih promjena

Specifični ciljevi: Omogućiti 10,000 poljoprivrednika da koriste mjere adaptacije na sušu, koje su usvojene od strane odgovornih državnih organa

Ciljna grupa: Poljoprivrednici; 7 poljoprivrednih zadruga; vladini službenici.

Korisnici: 10,000 farmera sa područja sjeveroistočne Bosne i Hercegovine;14 članova menadžmenta 7 poljoprivrednih zadruga (Brka, Brka-Brčko; Agrokoraaj, Koraj; Vočar, Glumina-Zvornik; Gračanka, Gračanica; PMG VIP, Gradačac; i Prunus Zvornik) te minimalno 20 vladinih službenika iz ministarstava i raznih nivoa vlasti koji se bave poljoprivredom.

Očekivani rezultati:

1. Razvijeni alati za upravljenje adaptacijom na sušu (urađena procjena osjetljivosti sektora voće i povrće na sušu; razvijena inovativna tehnička rješenja u prilagođavanju na sušu; instalirana tehnička rješenja na pet demonstracionih farmi; izrađen trening materijal);

2. Članovi menadžmenta sedam poljoprivrednih zadruga i 200 poljoprivrednih proizvođača koji su najviše pogođeni problemom suše razvili su kapacitete u upravljanju prilagođavanjem na sušu;
3. Četrnaest članova menadžmenta sedam poljoprivrednih zadruga razvili su kapacitete u zagovaranju u svrhu zagovaranja za usvajanje državnih mjera podrške za prilagođavanje na sušu;
4. Najmanje 20 vladinih službenika iz 10 relevantnih ministarstava ili odjeljenja razvili su kapacitete iz oblasti inovativnih mjera podrške u prilagođavanju na sušu;
5. Uspostavljen otvoreni dijalog između menadžmenta poljoprivrednih zadruga i vladinih službenika s ciljem usvajanja mjera podrške u prilagođavanju farmera na sušu.

Ostvareni rezultati: Ostvareni su svi planirani rezultati 1, 2, 3, 4 i 5.

Rezultat 2 ostvaren je u većoj mjeri – naime 284 poljoprivrednih proizvođača su prošli različite module obuke u adaptaciji na sušu (planirano 200); kao i rezultat 4 – naime 33 vladina službenika iz relevantnih ministarstava ili odjeljenja učestvovali su u aktivnostima (planirano 20).

Naziv projekta: Među-entitetska suradnja i integracija lokalnih zajednica Ljubinje i Ravno kroz poljoprivrednu proizvodnju

Sektor: Poljoprivreda i ruralni razvoj

Usklađenost sa strateškim ciljem: 1. Izgradnja i jačanje partnerstva sa lokalnim i internacionalnim organizacijama

Lokacija projekta: Općina Ravno, Popovo polje

Datumi: od marta 2011.do marta 2012.

Donator: Ambasada Kraljevine Norveške u BiH

Ukupna vrijednost projekta (BAM): 196,201.04

Finansiranje od strane donatora (BAM): 100,000

Ostali izvori finansiranja (BAM): Opština Ljubinje i Općina Ravno

Partneri na projektu: Opština Ljubinje i Općina Ravno, norveška neprofitna organizacija „Business Innovation Programs» (BIP), Centar za razvoj Hercegovine (CRH) Trebinje

Ciljevi i rezultati projekta:

Generalni cilj: Omogućiti među-entitetsku suradnju i socio-ekonomski razvoj Ljubinja i Ravnog kroz podršku ekonomskoj, ekološkoj i socijalnoj održivosti putem poljoprivredne proizvodnje i efikasnog korištenja pripadajućih usluga.

Specifični ciljevi:

- Podržati održiv ekonomski razvoj lokalnog stanovništva na području Popovog polja kroz među-entitetsku saradnju u poljoprivredi;
- Poboljšati sposobnosti lokalnih uprava i nevladinih organizacija u stvaranju novih prihoda iz poljoprivrede i održivog upravljanja poljoprivrednim resursima;
- Inicirati uspostavu dugoročnih trgovinskih odnosa između partnera u Norveškoj i Hercegovini utemeljenih na poljoprivrednoj proizvodnji;
- Podržati među-entitetsku dugoročnu suradnju kroz zajedničku poljoprivrednu proizvodnju.

Ciljna grupa: Bama-Gruppen A.S., Norway (vodeći uvoznik i veletrgovac voćem i povrćem u Norveškoj), poljoprivrednici iz Popovog polja.

Korisnici: Udruženje poljoprivrednika Hercegovka Ljubinje, poljoprivrednici i stanovnici Ljubinja i Ravnog

Očekivani rezultati:

1. 3 šlepera lubenica (54 t) proizvedena i izvezena u Norvešku u sezoni 2011.

Ostvareni rezultati: Ukupna količina lubenica smanjena zbog kašnjenja u odobravanju projekta i početku sadnje sa 3 na 1 šleper (20 t) u dogovoru svih partnera i u koordinaciji s donatorom. Taj rezultat je postignut u avgustu 2011.

Naziv projekta: Održiva proizvodnja mladog krompira u Popovom polju

Sektor: Poljoprivreda i ruralni razvoj

Usklađenost sa strateškim ciljem: 1. Izgradnja i jačanje partnerstva sa lokalnim i internacionalnim organizacijama

Lokacija projekta: Općina Ravno, Popovo polje

Datumi: od septembra 2011.do aprila 2012.

Donator: The Whalen Family Foundation

Ukupna vrijednost projekta (BAM): 19.971,20

Finansiranje od strane donatora (BAM): 19.971,20

Ostali izvori finansiranja (BAM): N/a

Partneri na projektu: N/a

Ciljevi i rezultati projekta:

Generalni cilj: Stvoriti preduslove za održivo bavljenje poljoprivredom u Popovom polju

Specifični ciljevi: Osigurati sredstva za primjenu suvremenih tehnika zemljoradnje te pronaći tržište za mladi krompir

Ciljna grupa: Poljoprivrednici iz Popovog polja, kojima je ovaj projekat primjer održive poljoprivredne proizvodnje.

Korisnici: Student završne godine Agronomskog fakulteta koji će voditi proces uzgoja krompira i lokalni poljoprivrednici, koji će imati priliku dobiti kratkotrajne sezonske poslove

Očekivani rezultati:

1. Najmanje 5.000 kg (5 tona) mladog krompira proizvedeno i prodato poduzeću Agroneretva;
2. Osigurana mjesečna stipendija za studenta Agronomskog fakulteta za vrijeme trajanja;
3. Model održive proizvodnje mladog krompira promoviran kao primjer među lokalnim poljoprivrednicima.

Ostvareni rezultati: Nijedan od rezultata nije postignut zbog nezadovoljavajuće saradnje sa stipendistom, koji je vodio proces uzgoja krompira. Proces sadnje i uzgoja krompira je bio u redu sve do juna 2012., kada je zbog suše bilo planirano instalirati sistem za navodnjavanje. Usljed kašnjenja sistema za navodnjavanje, uzrokovanog dijelom i kašnjenjem lokalnih vlasti Općine Ravno, urod je desetkovan. U avgustu 2012. saradnja je prekinuta, a oko 250 kg proizvedenog krompira je donirano Ustanovi „Egipatsko selo“ u Mostaru.

Naziv projekta: Razvoj poljoprivrednih zadruga – ACCORD

Sektor: Poljoprivreda i ruralni razvoj

Uskladenost sa strateškim ciljem: 1. Izgradnja i jačanje partnerstva sa lokalnim i internacionalnim organizacijama
1.2. Kontinuirano pratiti pozive donatora i u skladu sa definisanim pravcima (organizaciona shema Udruženja, pet pravaca) aplicirati za svaki segment sa minimalno tri projekta, samostalno ili u partnerstvu ukupno 15 projekata

Lokacija projekta: Sjevero-istočna BiH

Datumi: 01.09.2010. – 31.08.2012. godine

Donator: EU

Ukupna vrijednost projekta (BAM): 723.650 KM

Finansiranje od strane donatora (BAM): 615.110

Ostali izvori finansiranja (BAM): 108.540 (Sufinansiranje od strane opština, kantona i slično, u toku)

Partneri na projektu: Centar za razvoj i podršku (CRP) Tuzla

Ciljevi i rezultati projekta:

Generalni cilj: U budućnosti, sektor voća i povrća u BiH će ostvarivati trend konstantnog povećavanja broja zaposlenih u ovom sektoru.

Specifični ciljevi: Sedam izabranih poljoprivrednih zadruga sa područja sjeveroistočne BiH će zaposliti 200 novih kooperanata i 20 novih zaposlenih, i povećati proizvodnju i prodaju poljoprivrednih proizvoda za 20% do kraja projekta.

Ciljna grupa: Sedam (7) poljoprivrednih zadruga sa područja sjeveroistočne BiH (ZZ "Voćar" Zvornik, ZZ "Gračanka" Gračanica, PZ "Agrokoraj" Lopare, ZZ "Agropodrinje" Goražde, PZ "PMG-VIP" Gradačac, OPZ "Prunus" Zvornik i ZZ "Brka" Brčko), te njihovih 200 postojećih i 200 novih kooperanata.

Korisnici: Sedam (7) poljoprivrednih zadruga sa područja sjeveroistočne BiH i njihovi kooperanti.

Očekivani rezultati:

1. Rukovodno osoblje sedam ciljnih zadruga će steći dodatni nivo znanja iz oblasti strateškog menadžmenta i marketinga, te će stečena znanja uspješno primjenjivati u svakodnevnoj poslovnoj praksi;
2. Dvije ciljne zadruge će biti certificirane i uspješno će primjenjivati principe HACCP sistema kvaliteta;
3. Svih sedam ciljnih zadruga i njihovih 200 postojećih farmera će biti certificirano i uspješno će primjenjivati principe GLOBALGAP sistema kvaliteta;
4. Kooperantska mreža ciljnih zadruga će biti proširena za 200 novih farmera;
5. 200 novih farmera će dobiti opremu za pokretanje proizvodnje
6. Ciljne zadruge će dodatno povećati stepen uključenosti u BiH privredno okruženje.

Ostvareni rezultati: Projekat je završen i usvojen je finalni izvještaj od strane donatora.

Naziv projekta: Unapređenje poljoprivrednog sektora Općine Jablanica

Sektor: Poljoprivreda i ruralni razvoj

Izgradnja kapaciteta i razvoj partnerstva između javnog, privatnog i civilnog sektora

Usklađenost sa strateškim ciljem: Strateški cilj 3: Razvoj lokalnih zajednica; Unaprijediti postojeće i razviti nove programe razvoja zadruga i poljoprivrednih proizvođača,

Lokacija projekta: Bosna i Hercegovina

Datumi: 01.12.2012 – 31.07.2013.

Donator: Ambasada kraljevine Holandije u BiH

Ukupna vrijednost projekta (BAM): 60.898,00

Finansiranje od strane donatora (BAM): 39.098,00

Ostali izvori finansiranja – Korisnici projekta – in kind (BAM): 20.000,00

– Savez poljoprivrednih Udruženja Jablanica – in kind (BAM): 1.800,00

Partneri na projektu: -

Ciljevi i rezultati projekta:

Generalni cilj: Unapređenje poljoprivrednog sektora Općine Jablanica

Specifični ciljevi: Edukacija 60 nezaposlenih mladih ljudi i žena koji se već bave poljoprivrednom proizvodnjom.

Ciljna grupa: Mladi nezaposleni (18-30 godina) i žene.

Korisnici: 60 poljoprivrednih proizvođača sa područja Općine Jablanica

Očekivani rezultati:

60 korisnika prisustvovalo treninzima (1 stručni i 1 iz pisanja biznis plana)

60 korisnika razvilo svoje biznis planove

20 korisnika povećalo prihode od poljoprivrede za min. 20%

Savez poboljšao kvalitet usluga za svoje članove

Ostvareni rezultati: Projekat je tek započeo, potpisan Memorandum o saradnji sa Savezom poljoprivrednih proizvođača Jablanica i održan sastanak sa Načelnikom Općine.

Naziv projekta: Unapređenje sistema centralnog grijanja u općini Cazin

Sektor: Poljoprivreda i ruralni razvoj

Usklađenost sa strateškim ciljem: SC1 - Jačanje kapaciteta Udruženja; SC3 - Razvoj lokalnih zajednica

Lokacija projekta: općina Cazin

Datumi: 15/12/2011 - 15/06/2012

Donator: UNDP BiH i općina Cazin

Ukupna vrijednost projekta (BAM): 70.282, 26, KM

Finansiranje od strane donatora (BAM): 70.282,26 KM

Ostali izvori finansiranja (BAM): NA

Partneri na projektu: NA

Ciljevi i rezultati projekta:

Generalni cilj: Unaprijeđenje stanja životne sredine na lokalnom nivou u općini Cazin

Specifični ciljevi: Uspostavljanje kvalitetnog i održivog sistema grijanja u zgradi općine Cazin putem nabavke kotla za grijanje na bio masu.

Ciljna grupa: Stanovnici općine Cazin,

Korisnici: Zaposleni u općinskoj admimistraciji

Očekivani rezultati:

R1:Bojler za bio masu nabavljen I doniran općini Cazin.

R2: Omogućeno kvalitetno grijanje za zaposenike općinske administracije.

R3: Ostvarene uštede u budžetu općine Cazin, zahvaljujući korištenju engergestki efikasnog sistema grijanja.

Ostvareni rezultati :

R1:Bojler za bio masu nabavljen I doniran općini Cazin.

R2: Omogućeno kvalitetno grijanje za zaposenike općinske administracije.

R3: Ostvarene uštede u budžetu općine Cazin, zahvaljujući korištenju engergestki efikasnog sistema grijanja

Naziv projekta: Unapređenje vodosnabdjevanja u opštini Berkovići

Sektor: Poljoprivreda i ruralni razvoj

Usklađenost sa strateškim ciljem: SC1 - Jačanje kapaciteta Udruženja; SC3 - Razvoj lokalnih zajednica

Lokacija projekta: opština Berkovići

Datumi: 15/12/2011 - 15/06/2012

Donator: UNDP BiH i opština Berkovići

Ukupna vrijednost projekta (BAM): 19.904,00 KM

Finansiranje od strane donatora (BAM): 19.904,00 KM

Ostali izvori finansiranja (BAM): NA

Partneri na projektu: NA

Ciljevi i rezultati projekta:

Generalni cilj: Unaprijeđenje stanja životne sredine na lokalnom nivou u opštini Berkovići

Specifični ciljevi: Poboljšanje životnih uslova i kvaliteta vodosnabdjevanja za 320 domaćinstava na području Berkovića kroz osposobljavanje i zaštitu izvorišta Trebesinj

Ciljna grupa: Stanovnici opštine Berkovići; opština Berkovići; JP „Vodovod“ Berkovići

Korisnici: Stanovnici užeg područja opštine Berkovići (320 domaćinstava)

Očekivani rezultati: R1: Izvor pitke vode Trebesinj je adekvatno označen, sanitarno zaštićen i osiguran.
R2: 320 domaćinstava u opštini Berkovići ima pristup kvalitetnoj pitkoj vodi preko sistema navodnjavanja.

Ostvareni rezultati: : R1: Izvor pitke vode Trebesinj je adekvatno označen, sanitarno zaštićen i osiguran.
R2: 320 domaćinstava u opštini Berkovići ima pristup kvalitetnoj pitkoj vodi preko sistema navodnjavanja.

Naziv projekta: Natkrivanje drenažnog kanala oborinskih voda u gradskoj zoni Ljubinja

Sektor: Poljoprivreda i ruralni razvoj

Usklađenost sa strateškim ciljem: SC1 - Jačanje kapaciteta Udruženja; SC3 - Razvoj lokalnih zajednica

Lokacija projekta: opština Ljubinje

Datumi: 15/12/2011 - 15/05/2012

Donator: UNDP BiH i opština Ljubinje

Ukupna vrijednost projekta (BAM): 72.194,00 KM

Finansiranje od strane donatora (BAM): 72.194,00 KM

Ostali izvori finansiranja (BAM): NA

Partneri na projektu: NA

Ciljevi i rezultati projekta:

Generalni cilj: Unaprijeđenje stanja životne sredine na lokalnom nivou u opštini Ljubinje.

Specifični ciljevi: Unapređenje ekoloških uslova u opštini Ljubinje kroz natkrivanje Bukovog potoka, drenažnog kanala koji je služio kao ilegalna deponija smeća, u dužini od 64 m.

Ciljna grupa: Stanovnici opštine Ljubinje; opština Ljubinje;

Korisnici: Stanovnici opštine Ljubinje (4.500 osoba)

Očekivani rezultati: R1: Drenažni kanal Bukov potok ekološki regulisan i zaštićen od poplava i nezakonitog odlaganja otpada. R2: Zaštićeno zdravlje 4.500 stanovnika Ljubinja; R3: Unaprijeđen izgled grada i čistija životna sredina.

Ostvareni rezultati: R1: Drenažni kanal Bukov potok ekološki regulisan i zaštićen od poplava i nezakonitog odlaganja otpada. R2: Zaštićeno zdravlje 4.500 stanovnika Ljubinja; R3: Unaprijeđen izgled grada i čistija životna sredina.

Naziv projekta: Inkluzijom protiv diskriminacije osoba sa invaliditetom

Sektor: Osobe sa invaliditetom / inkluzija / neformalno obrazovanje

Usklađenost sa strateškim ciljem: 1.3. Kreiranje partnerskih odnosa sa domaćim i stranim organizacijama.

Kontaktirati i posjećivati domaće organizacije (NVO-i, privredni subjekti i institucije sistema) i razvijati poslovne odnose sa njima. (Tokom projekta kontaktirano 18 NVO osoba sa invaliditetom – Kanton Sarajevo 30 institucija i preko 100 privrednih subjekata)

Usklađenost sa strateškim pravcima:

- Edukacija
- Podrška socio-ekonomskom razvoju

Neformalno obrazovanje i jačanje kapaciteta osoba sa invaliditetom na tržištu rada Kantona Sarajevo. Integracija 30 osoba sa invaliditetom u društvo BiH.

Lokacija projekta: Kanton Sarajevo

Datumi: od 15.12.2011. – 31.10.2012.

Donator: Ambasade Kraljevine Nizozemske u BiH

Ukupna vrijednost projekta (BAM): 79.263,49

Finansiranje od strane donatora (BAM): 79.263,49

Partneri na projektu: NEMA

Ciljevi i rezultati projekta:

Generalni cilj: Senzibilizirati društvo, uključujući privatni i javni sektor na području Kantona Sarajevo, kroz podizanje svijesti o socijalnoj uključenosti, podići nivo konkurentnosti zapošljivosti osoba sa invaliditetom na tržištu rada u Kantonu Sarajevo.

Specifični ciljevi:

1. Podići svijest javnosti, uključujući privatni i javni sektor na području Kantona Sarajevo, vezano za potrebe osoba sa invaliditetom.
2. Ohrabriti i potaći 30 nezaposlenih osoba sa fizičkim invaliditetom ili sa poteškoćama u kretanju da se prijave za učešće u novom inkluzivnom modelu neformalnog obrazovanja.
3. Educirati i opismeniti 30 nezaposlenih osoba sa invaliditetom u oblasti Informatičkih tehnologija na području Kantona Sarajevo.
4. Dodatno osnažiti 30 nezaposlenih osoba sa fizičkim invaliditetom na području Kantona Sarajevo putem edukacije iz osobnih životnih vještina i specifičnih vještina (razvijanje projektnih prijedloga/izrada poslovnog plana).

Ciljna grupa: Osobe sa invaliditetom ;nevladine organizacije; institucije; poslovni sektor

Korisnici: : 30 nezaposlenih osoba sa fizičkom vrstom invaliditeta (korisnici invalidskih kolica ili drugih ortopedskih pomagala za kretanje), u dobi od 18-40 godina, koji žive na području Kantona Sarajevo i prijavljene su na jedan od biroa za zapošljavanje.

Očekivani rezultati:

1. Unaprijeđena socijalna inkluzija 30 nezaposlenih osoba sa invaliditetom na području Kantona Sarajevo.
2. Osnaženi kapaciteti 30 nezaposlenih osoba sa invaliditetom na području Kantona Sarajevo kroz certifikaciju IT treninga, treninga u oblasti životnih vještina za razvoj projekata/poslovnih planova, povećana konkurentnost na tržištu rada i samim tim poboljšana mogućnost zapošljavanja za ovih 30 korisnika projekta.
3. Razvijeni trening materijali za razvoj vlastitih životnih vještina i vještina za razvoj projektnih prijedloga/poslovnih planova
4. Poboljšan način informiranja i senzibiliziranja javnosti odnsono dijela privatnog i javnog sektora na području Kantona Sarajeva kroz promociju vrijednosti socijalne inkluzije.
5. Promovisanje pozitivnih praksi za poslodavce kroz primjer zapošljavanja jedne osobe sa invaliditetom u Udruženju građana „Nešto Više“ i zapošljavanje najmanje jednog korisnika projekta kod drugog poslodavca.

Ostvareni rezultati: OSTVARENI SVI PREDVIĐENI REZULATI (1.2.3.4.5) Rezultat 5 premašio je prvobitna očekivanja pa je u toku Projekta dodatno zaposleno 7 korisnika.

Naziv projekta: PeaceTrails Program Stipendiranja 2011/2012

Sektor:

Formalno i neformalno obrazovanje mladih
Društvena odgovornost i volonterizam

Uskladenost sa strateškim ciljem:

Strateški cilj 2: Poboljšanje uslova i kvaliteta školovanja u Bosni i Hercegovini
Strateški cilj 4: Održavanje i unaprijeđenje saradnje sa The Whalen Family Fondation (WFF)

Lokacija projekta: Bosna i Hercegovina

Datumi: 01.10.2011. – 30.09.2012.

Donator: The Whalen Family Foundation

Ukupna vrijednost projekta (BAM): 145.519,00 KM

Partneri na projektu: n/a

Ciljevi i rezultati projekta:

Generalni cilj:

- Osigurati stipendistima da dobiju diplomu (različiti nivoi)
- Razvijati životne veze između PeaceTrails diplomaca i osoblja
- Pomoći lokalnoj zajednici putem volontiranja i inspirisanja pozitivnih promjena u bosansko-hercegovačkom društvu

Specifični ciljevi:

- Financijski podržati pet stipendista
- Troje stipendista će završiti dodiplomski studij, jedan stipendista će završiti drugu godinu studija, jedan stipendista će privesti kraju rad na PhD studiju
- Svi stipendisti će kompletirati broj volonterskih sati kao što je predviđeno ugovorima o stipendiranju
- Organizirati/implementirati četiri male i jednu veliku volontersku akciju.

Ciljna grupa: Diplomci PeaceTrails Youth Leadership Programa, koji su prethodnih godina primljeni u PeaceTrails Program Stipendiranja. Izuzetak je novi volonter UG Nešto Više, za kojeg je Izvršni direktor donio odluku da se stipendira od strane UG Nešto Više tokom 2011/2012.

Korisnici:

Ukupno šest stipendista Programa u 2011/12 akademskoj godini:

- Jedan stipendista – dvogodišnji studij – viša škola (Željka Rubinić)

- Dvoje stipendista – dodiplomski studij (Marko Jakovljević i Miroslav Bundalo)
- Jedan stipendista – doktorske studije (Radoslav Ivanković)
- Jedan stipendista – dodiplomski studij, novi volonter u UGNV (Milutin Papić)

Od šest stipendista, pet su diplomci PeaceTrails Youth Leadership Adventure Programa, a jedan stipendista je novi volonter/član Udruženja čija je stipendija osigurana kroz projekat “Održiva proizvodnja mladog krompira u Popovom Polju” na kojem je stipendista i volontirao.

Očekivani rezultati:

1. Redovan akademski napredak svih korisnika programa
2. Organizirane i implementirane četiri male i jedna velika volonterska akcija
3. Svi korisnici odradili broj volonterskih sati definisanih Ugovorom o stipendiranju
4. Organizirati Svečanu ceremoniju za diplomce Programa

Ostvareni rezultati:

1. Pregled akademskog napretka:

- Četvero od šest stipendista je ostvarilo redovan akademski napredak (Željka Rubinić, Marko Jakovljević, Miroslav Bundalo i Radoslav Ivanković).
- Jedan stipendista nije ostvario akademski napredak, ugovoren i vezan vremenskim periodom oktobar 2011 – februar 2012, nakon čega je Ugovor raskinut, te nastavak stipendiranja obustavljen (Lejla Ribić).
- Novi stipendista nije izvršavao svoje volonterske obaveze kako je ugovoreno, te je nakon više razgovora i upozorenja Ugovor raskinut, a stipendiranje obustavljeno (Milutin Papić).

2. Pregled volonterskih akcija:

- Organizirane su i implementirane dvije male volonterske akcije u sljedećim lokalnim zajednicama: Mostar i Rodoč.
- Prva mala akcija je obustavljena zbog vremenskih nepogoda (februar 2012) i nemogućnosti provedbe aktivnosti, te putovanja stipendista.
- Četvrta mala akcija je organizirana i pripremljena u Banja Luci, ali je otkazana zbog tragične avionske nesreće u kojoj je poginulo pet članova partnerske organizacije sa kojom se akcija trebala sprovesti (maj 2012).
- Organizirana je i implementirana velika volonterska akcija u Tesliću, u suradnji sa predstavnicima opštine Teslić.
- Na malim i velikoj volonterskoj akciji su, prema mogućnostima, sudjelovali i drugi članovi UG Nešto Više, te članovi PeaceTrails zajednice.

3. Pregled volonterskih sati (uključuje samo stipendiste)

- Željka Rubinić: odradila 347 individualnih sati (planirano 380), te 154 grupnih sati (planirano 120)
- Lejla Ribić: odradila 91 individualni sat (planirano 160), te 119,5 grupnih sati (planirano 50)
- Miroslav Bundalo: odradio 472 individualna sata (planirano 418), te 86 grupnih sati (planirano 120)
- Marko Jakovljević: odradio 522,5 individualnih sati (planirano 430), te 65 grupnih sati (planirano 120)
- **Ukupno odrađeno 2.054 volonterska sata, od toga 1.599,5 individualnih volonterskih sati od planiranih 1518 sati (105,37%), te 454,5 grupnih volonterskih sati od planiranih 470 sati (96,70%).**

4. Svečana ceremonija za diplomce Programa

Posljednja, osma Svečana Ceremonija PeaceTrails Programa Stipendiranja je održana 08.12.2012. u Sarajevu. Promovirano je pet PT diplomaca, koji su u periodu od protekle Ceremonije diplomirali: Željka Rubinić, Marko Jakovljević, Miroslav Bundalo, Sabina Horić i Nikolina Materić. Na Ceremoniji se okupilo oko 100 NV članova, te članova PeaceTrails zajednice, uključujući gospodina Whalen, te gospođe Fesler i Yamasaki.

Naziv projekta: Suradnja sa College of Saint Benedict/Saint John's University (CSBSJU), Minnesota, SAD

Sektor:

Formalno i neformalno obrazovanje mladih
Izgradnja kapaciteta i razvoj partnerstva između javnog, privatnog i civilnog sektora

Usklađenost sa strateškim ciljem:

Strateški cilj 1: Jačanje kapaciteta Udruženja (posebno 1.3. Kreiranje partnerskih odnosa sa domaćim i stranim organizacijama)

Strateški cilj 4: Održavanje i unaprijeđenje saradnje sa The Whalen Family Foundation (WFF) (posebno 4.2. Novi projekti/programi i/ili proširivanje postojećih između WFF i UGNV)

Lokacija projekta: Bosna i Hercegovina, Sjedinjene Američke Države

Datumi: 01.01.2012. – 31.12.2012.

Donator: The Whalen Family Foundation, CSBSJU i studenti CSBSJU

Ukupna vrijednost projekta (BAM): n/a

Finansiranje od strane donatora (BAM): WFF osigurao sredstva za posjete osoblja UGNV institucijama CSBSJU i izradu promotivnog materijala

Ostali izvori finansiranja (BAM): studenti – interni CSBSJU, stipendije za studente i troškovi posjete osoblja CSBSJU od strane Global Centra sa CSBSJU.

Partneri na projektu: CSBSJU

Ciljevi i rezultati projekta:

Generalni cilj: Održati i unaprijediti veze između UGNV i institucija CSBSJU.

Specifični ciljevi:

- Ljetni internship 2012 za studente CSBSJU u Bosni i Hercegovini
- Dvije posjete osoblja UGNV institucijama CSBSJU, posjeta osoblja CSBSJU Bosni i Hercegovini i UGNV
- Razvoj novih projekata između UGNV i CSBSJU
- Podrška odjelima diplomaca CSB i SJU u Bosni i Hercegovini

Ciljna grupa:

- Članovi i osoblje UGNV
- Studenti i osoblje CSBSJU
- Organizacije i institucije BiH koje dobijaju interne

Korisnici:

- CSBSJU Interni u BiH

- Osoblje UGNV i CSBSJU
- BiH diplomci sa CSBSJU

Očekivani rezultati:

1. Organizirati orijentaciju za interne 2012 u SAD-u
2. Organizirati ljetni internship za devet interna sa CSBSJU u trajanju od osam sedmica
3. Organizirati posjetu predstavnika profesora CSBSJU u Bosni i Hercegovini
4. Implementirati novi projekat između UGNV i CSBSJU: May Term 2012

Ostvareni rezultati:

1. Orijehtacija za CSBSJU interne 2012 u SAD-u

Aleksandar Bundalo, Carol Yamasaki i Sanja Đermanović su organizirali sesiju orijentacije za prijavljene kandidate za Ljetni Internship u BiH, u aprilu 2012. Tokom posjete CSBSJU institucijama u Minnesoti, tim se sastao i sa administracijskim i akademskim odjelima CSBSJU, prilikom čega se obostrano potvrdio interes da se suradnja između UGNV i CSBSJU proširi: svih devet interna u 2012 godini su dobili stipendiju za ovaj program od Centra za globalno obrazovanje, čime CSBSJU po prvi put zvanično ulaže sredstva u ovaj program, koji je započeo 2008. godine.

Tokom posjete predstavnika UGNV i The Whalen Family Foundation, održana je i promocija dokumentarnog filma „Obnova“, kojeg su CSBSJU studenti (iz organizacije Extending the Link) snimili u Bosni i Hercegovini tokom perioda decembar 2011/januar 2012 uz logističku podršku osoblja UGNV. Fim je obradio tematiku perspektive budućnosti mladih Bosne i Hercegovine.

2. Ljetni internship 2012

Iako je ugovoren internship za devet CSBSJU studenata, jedan kandidat je u posljednji tren odustao zbog privatnih razloga. Ostalih osam američkih studenata-interna su bili raspoređeni u tri grada: u Mostaru, Banja Luci i Sarajevu. U Mostaru su internship odradili: Lindsay Brull (Nansen Dialogue Centar i Eko Centar Blagaj), Kyra Knoff (JU Centar za djecu i omladinu sa posebnim potrebama Los Rosales i Eko Centar Blagaj), te Jenna Franklin (Udruženje roditelja i prijatelja osoba s posebnim potrebama Sunce i Eko Centar Blagaj); Banja Luci: Takai Bethel (Omladinski centar Zdravo Da Ste) i Paidamoyo Chikate (Omladinski Komunikativni Centar); u Sarajevu: Kinsey Norton (Udruženje slijepih Kantona Sarajevo), Alyssa Brown (Nadbiskupijski centar za pastoral mladih „Ivan Pavao II“) i Molly Ann Kuisle (Institut za razvoj mladih KULT, Obrazovno-raznodni centar za mlade Spajalica). UGNV je, osim internship pozicija u organizacijama/institucijama, organiziralo kompletnu logistiku za interne.

3. Posjeta CSBSJU predstavnika profesora BiH

Osoblje NV je u maju 2012 organiziralo desetodnevnu posjetu znamenitostima Bosne i Hercegovine, kao i susrete sa predstavnicima različitih organizacija i institucija za grupu od sedam CSBSJU profesora: Sanford Moscowitz, Sarah Pruet, Kelly Kraemer, Madhu Mitra, Christi Siver, Theresa Johnson i Noreen Herzfeld.

Kako dolaze iz različitih odjela (menadžment, jezici, mirovne studije, književnost, obrazovanje, političke znanosti, te religija/etika), profesori su prilikom susreta sa osobljem i članovima UGNV, BiH diplomcima CSBSJU, te predstavnicima nevladinog i vladinog sektora, religijskih institucija, političkih stranaka, medija i sl. istraživali mogućnosti potencijalne suradnje sa BiH. Profesori su također iskoristili svoj boravak u BiH da posjete CSBSJU interne, njihove organizacije, te da razgovaraju o njihovom iskustvu u BiH.

4. Novi projekat: May Term 2012

Iako je osoblje UGNV pripremlilo kompletan program, aktivnosti, budžet i promotivni materijal za May Term 2012, zbog nedovoljnog promoviranja programa na CSBSJU, tokom registracije nije se prijavio dovoljan broj kandidata kako bi se program implementirao.

Plan je bio da 15 CSBSJU studenata u drugoj polovini maja 2012. učestvuju u 21-dnevnom akademskom programu u BiH, koji se sastoji od kombinacije nastave sa lokalnim predavačima i sa CSBSJU profesorom koji će biti direktor programa, posjete kulturno-istorijskim spomenicima, te učestvovanja u drugim aktivnostima koje će uključiti učenje o kulturama, tradicijama, sukobima, ali i trenutnim socijalno-ekonomskim kretanjima u post-ratnom društvu Bosne i Hercegovine. Osoblje UGNV i CSBSJU je u 2011. godini predalo akademski plan zvaničnoj CSBSJU komisiji za odobravanje kurikuluma, koji je nakon razmatranja odobren. Za prvog direktora programa u 2012. je bio odabran Prof. Dr. Robert Gazich, sa odjela Menadžmenta. Planirano je da troškove učešća u programu snose studenti, potpomognuti stipendijom Global Centra sa CSBSJU.

Prilikom posjete CSBSJU u aprilu 2012., dogovoreno je da se pokuša sa programom za 2013. godinu: planirano je da direktor programa 2013 bude Peggy Retka, direktorica Study Abroad programa na CSBSJU.

Naziv projekta: Životne vještine za budućnost – učimo, radimo!

Sektor: Formalno i neformalno obrazovanje

Usklađenost sa strateškim ciljem: 2 Poboljšanje uslova i kvaliteta školovanja u Bosni i Hercegovini

Lokacija projekta: Sarajevo, Istočno Sarajevo, Zenica, Vitez, Goražde, Mostar, Trebinje, Široki Brijeg, Livno, Banja Luka, Doboј, Prijedor, Bihać, Tuzla, Bijeljina, Odžak i Brčko.

Datumi: 01.12.2011. – 31.12.2012. godine

Donator: UNICEF

Ukupna vrijednost projekta (BAM): 136.289

Finansiranje od strane donatora (BAM): 134.267

Ostali izvori finansiranja (BAM): 2.022 (lična sredstva UG Nešto Više)

Partneri na projektu: -

Ciljevi i rezultati projekta:

Generalni cilj: Razvoj ključnih kompetencija i životnih vještina učenika VII, VIII i IX razreda osnovnih škola kroz aktivno poduzetničko učenje kako bi se povećala konkurentnost na tržištu rada.

Specifični ciljevi:

1. Podržati relevantne obrazovne institucije, nastavnike iz osnovnih škola i učenike da bolje razumiju životne vještine, njihov značaj i uticaj na mogućnosti zapošljavanja u budućnosti.
2. Obezbjediti učenje životnih vještina zasnovano na iskustvu i aktivnosti za sticanje poduzetničke kompetencije na način da učenici istražuju mogućnosti i prilike u ekonomskom, socijalnom i kulturnom okruženju kroz razvoj vlastitih poduzetničkih projekata.
3. Predstaviti i promovisati razvijeni model za učenje životnih vještina u poduzetništvu baziran na principu: "Učenje kroz rad" svim zainteresiranim stranama.

Ciljna grupa:

Učenici VII, VIII i IX razreda osnovnih škola.

Korisnici: 500 učenika VII -IX razreda i 50 nastavnika osnovnih škola i iz 17 opština i 15 članova YERP grupe

Očekivani rezultati:

1. Razvijen trening modul za preduzetništvo i prenesen na 50 nastavnika
2. 500 učenika osnovnih škola iz 17 gradova razvili životne vještine i preduzetničke kompetencije kroz uspješno upravljanje i implementaciju 50 učeničkih poduzetničkih projekata
3. Diseminacija i zagovaranje- model preduzetničkog učenja razvijen i prezentovan YERP radnoj grupi, Ministarstvu civilnih poslova, Agenciji za predškolsko, osnovno i srednje obrazovanje itd.

Ostvareni rezultati: Svi očekivani rezultati su ispunjeni te je izrađen i priručnik za nastavnike osnovnih škola .

Naziv projekta: Mladi u akciji II

Sektor: Formalno i neformalno obrazovanje mladih i Društvena odgovornost i volonterizam

Usklađenost sa strateškim ciljem: SC2 - Poboljšanje uslova i kvaliteta školovanja u Bosni i Hercegovini; SC3 - Razvoj lokalnih zajednica

Lokacija projekta: Grude, Jablanica, Trebinje

Datumi: 15/08/2012 - 15/05/2013

Donator: Ambasade Sjedinjenih Američkih Država u Sarajevu, BiH

Ukupna vrijednost projekta (BAM): 53.235, 00 KM

Finansiranje od strane donatora (BAM): 53.235, 00 KM

Ostali izvori finansiranja (BAM): NA

Partneri na projektu: NA

Ciljevi i rezultati projekta:

Generalni cilj: Promoviranje liderskih vještina kao i među-etničke saradnje i komunikacije među mladima kroz kreiranje grupe mladih lidera koji će raditi zajedno na prevazilaženju prepreka sa kojima se suočavaju unutar svojih lokalnih zajednica

Specifični ciljevi: 1. Podržati grupu srednjoškolskih učenika da se uključe u građanske aktivnosti u svojim zajednicama; 2. Poticati ličnu interakciju i saradnju među mladima iz Jablanice, Gruda i Trebinja kroz treninge i zajedničko razvijanje i realizaciju projekata u njihovim zajednicama; 3. Omogućiti komunikaciju između direktora i osoblja škola vezanu za uspostavljanje tradicije zajedničkih aktivnosti izvan okvira ovog projekta

Ciljna grupa: Učenici i osoblje srednjih škola

Korisnici: Srednjoškolci, 16-18 godina - 10 iz Jablanice, 10 iz Gruda, 10 iz Trebinja - te direktori i profesori tri srednje škole.

Očekivani rezultati: R1: 30 učesnika projekta će imati bolje razumjevanje demokratije, tolerancije, liderstva i građanskog angažmana te naučiti više o kulturi, religiji i istoriji. R2: 30 učesnika projekta će razviti liderske vještine i dobiti iskustvo kroz realizaciju 3 projekata u njihovim lokalnim zajednicama. R3: Direktori i osoblje škola će razviti viziju buduće saradnje izvan sklopa projekta

Ostvareni rezultati: Realizacija projekta je u toku - sva tri cilja su djelomično postignuta.

4. FINANSIJSKI POKAZATELJI

PRILIVI PO DONATORIMA 2012

Br	Donator	Ukupno (KM)	%
1	Fond za profesionalnu rehabilitaciju	8.103	1,40%
2	CRP Tuzla - USAID donator - Projekat "Izgradnja kapaciteta adaptacije na sušu u agro-biznisu"	32.256	5,58%
3	Ambasada Kraljevine Holandije - Unaprijeđenje poljoprivrednog sektora na području opštine Jablanica	31.247	5,41%
6	The Whalen Family Foundation - PTPS; Suradnja sa CSBSJU; Održiva proizvodnja u P. polju;	146.264	25,31%
8	Ambasada Sjedinjenih Američkih Država - Projekat "Mladi u akciji"	20.163	3,49%
9	UNICEF - Projekat "Životne vještine za budućnost – učimo, radimo!"	86.153	14,91%
10	Ambasade Kraljevine Holandije - Projekat "Inkluzijom protiv diskriminacije osoba sa invaliditetom"	15.817	2,74%
11	UNDP - opština Berkovići projekat	10.547	1,82%
12	UNDP - opština Cazin projekat	60.092	10,40%
13	UNDP - opština Ljubinje projekat	60.124	10,40%
14	Ambasada Sjedinjenih Američkih Država - Projekat "Mladi u akciji II"	26.617	4,61%
15	CRP Tuzla - EU donator - Projekat "Razvoj poljoprivrednih zadruga"	10.000	1,73%
16	OSCE - Lokanli volonterski servis	293	0,05%
17	Europa Bussnies and Strategies	1.200	0,21%
18	CIED	14.741	2,55%
19	CSBSJU	22.253	3,85%
20	Ostali prihodi:	32.130	5,56%
<p>Članarine 620</p> <p>Kamate 1.414</p> <p>Donacije fizičkih lica 7.472</p> <p>Polog u blagaju 1.984</p> <p>Povrat oročenih sredstava 20.000</p> <p>Povrat pogrešno uplaćenih sredstava 640</p>			
UKUPNO:		577.999	100,00%

RASHODI PO DONATORIMA

Br	Donator	Ukupno (KM)	%
1	CRP Tuzla - EU donator - Projekat "Razvoj poljoprivrednih zadruga"	35.271	4,68%
2	CRP Tuzla - USAID donator - Projekat "Izgradnja kapaciteta adaptacije na sušu u agro-biznisu"	21.648	2,87%
3	Ambasada Kraljevine Norveške - Projekat "Među-entitetska suradnja Ljubinje i Ravno"	4.261	0,57%
4	The Whalen Family Foundation - PTPS; Suradnja sa CSBSJU; Održiva proizvodnja u P. polju;	184.514	24,48%
5	Ambasada Sjedinjenih Američkih Država - Projekat "Mladi u akciji"	29.989	3,98%
6	Ambasada Sjedinjenih Američkih Država - Projekat "Mladi u akciji II"	16.021	2,13%
7	UNICEF - Projekat "Životne vještine za budućnost – učimo, radimo!"	131.067	17,39%
8	Ambasade Kraljevine Holandije - Projekat "Inkluzijom protiv diskriminacije osoba sa invaliditetom"	77.973	10,35%
	Ambasade Kraljevine Holandije - Projekat "Unaprijeđenje poljoprivrednog sektora na području opštine Jablanica"	1.446	0,19%
9	UNDP - opština Cazin projekat	70.282	9,32%
10	UNDP - opština Berkovici projekat	19.904	2,64%
11	UNDP - opština Ljubinje projekat	71.725	9,52%
12	Fond za profesionalnu rehabilitaciju	6.206	0,82%
13	CIED	4.086	0,54%
14	CSBSJU	15.196	2,02%
15	Ostali rashodi - nevezani za projekte	64.137	8,51%
	UKUPNO:	753.728	100,00%